

COMUN: Lîta dl Parlamënt Europeich incö, 26/05, dales 7.00 cina les 23.00.

La coop. Casa Bimbo chir valgügn por le trasport dles marênes dla Ciasa di Pici da Badia a San Martin dai 17.06 ai 30.08.2019. Info Gigliola Thaler 344 27 57 478

LUNGIARÜ

I s'alegrun incö cun i mituns y les mitans Luca Chiusura, Marie Clara, Noemi Costa, Gabriel Chiusura, Simone Rungger, Christa Clara y Ellen Daporta che tol incö por le pröm iade pert al past che Gejù tēgn cun nos. I periun che chēsta festa liēies adōm nosta comunité tl amur y tla pesc de Gejù ressorí.

Al vēgn dēr bel perió do le contribut por la ploania de 20 €/porsona, tuc fora i studēnc, che vēgn trat ite en domēnia, ai 2 y 9 de jūgn, do mēssa te calonia.

En lōnesc, ai 3 de jūgn lavunse la dlijia; les ēres é dēr bel periades da gni a daidé y sc'al vēgn ince n ēl o l'ater ēl ciamó damí.

Ai 14.11.19 él indō la Landeskegelmesterschaft a Balsan. I seniors da Lungiarü che ó tó pert dess s'anunzié cina ai 30 de ma pro Annelies 346 35 87 173.

La Musiga da San Martin inviēia cun ligrēza dūc i amanc dla musiga al concert d'aisciōda en sabeda, al 1 de jūgn, dales 20.00, tl gran salf a San Martin.

Intro al monn dl salté cun Anna Pedevilla en mercui ai 29 de ma dales 20.00 tl salf dla Cassa Raiffeisen a San Martin. Y spo en mercui ai 5 de jūgn 2019 dales 19.30 s'incuntunse cun Anna tl ciamp Pradel a San Martin por na picia saltada, olache Anna nes dará val "tip & trick" da salté. I sēis dūc dēr bel inviál

La Spona a Pidrō festejēia 10 agn dla Comunité d'abitaziun en domēnia, ai 02 de jūgn, cun n program d'intrategnimēnt che vá dales 10.00 cina domisdé ia.

Le teater por pici y gragn „Stachio n'ó nia partí“ é da odēi a San Martin tl Istitut Ladin en domēnia ai 2 de jūgn dales 18.00, cun Silvia Costabiei, Silvia Liotto y Roland Pizzinini, Gabi Mutschlechner (scenografia) y Erika Castlunger (reja).

L'EPL cun le Cor Raiēta y i Cors de dlijia da La Val, da La Pli y da San Martin inviēia al concert de onoraziun de Felix Dapoz y Lois Ellecosta en domēnia, ai 02 de jūgn 2019, dales 16.00 a La Val.

La Portina por la Cura y l'Assisēnza mēt a jí n domisdé d'informaziun "I stēnti da jí y ne vēighi nia plū bun - ci fá?". Colauradus/ēsses dl Zēnter por i Verc y dla Cooperativa Handicar da Balsan dá consēis pratics. I aspetun dūc chi che é interessá en mercui ai 05 de jūgn, dales 15.00 tl'entrada dla Ciasa de Palsa.

Le Sorvisc ai Jogn inviēia ia n curs de preparaziun al ejam de trilinguism cun Daria Valentin dai 16 agn insō dai 19 ai 23 d'agost, tres dales 19.30 ales 21.30, al cost de 20 euro. Iscriziuns www.proiec.org. Info 0474 523 070.

Dōt le bun a chi che complēsc i agn de jūgn

a San Martin Otto Erlacher che nen complēsc 80 ai 6
siur Vito Rubatscher che nen complēsc 85 ai 8
Angelina Tolpeit che nen complēsc 93 ai 9
Lois Clara che nen complēsc 84 ai 15
Pire Erlacher che nen complēsc 85 ai 15
Pasquale Schuen che nen complēsc 82 ai 16
Hermann Burchia che nen complēsc 95 ai 30

a Lungiarü Doro Clara dl Toch che nen complēsc 84 ai 10
Monica Clara-Mischi che nen complēsc 88 ai 13
Giovanni Mischi (Frēina) che nen complēsc 81 ai 30



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

27.05. – 02.06.19 nr. 26

ultimo termo por comunicaziuns: jōbia dales 20.00
radio: 90,40 / 93,70

6ª DOMÈNIA DE PASCA – C

Vangele do Jan 14,23-29

Te chēl tēmp à dit Gejù a sū discepui:

Sce un m'ô bun, se tignaral a mia parora;

mi Pere ti orarà bun y nos gnarun da d'ēl y abitarun pro d'ēl.

Chēl che ne m'ô nia bun, ne se tēgn nia a mia parora.

Y la parora che os aldis, ne vēgn nia da mè,

mo dal Pere, che m'á menē.

Chēsc ves ài dit,

ciamò tratan ch'i sun pro os.

Le paraclet, le Spirit Sant,

che le Pere menarà te mi inom,

chēl ves insignarà dōt

y ves recordarà dōt ci ch'i ves à dit.

I ves lasci la pêsc, i ves dà mia pêsc;

nia sciōche le monn la dà, ves la dà.

Osc cōr ne dess nia se desturbé

y ne dess nia s'la odēi.



Miné ch'al basta da osservé i comandamēnc por se tigní ala parora de Gejù, chēl é dessigü massa pūch.

Se tigní ala parora de Gejù ó dí cotan deplū:

podēi me tigní pro sūa parora, podēi, te mia vita, me tigní pro d'ēl, confidé te ēl, ti avēi crēta, me lascé sōn ēl.

La rajun dla fidēnza ch'i pó avēi te Gejù, ne stá nia te mia orenté, mo te so amur.

I pó vire tla conescēnza y tl sentiment ch'i ne sun nia su, che Gejù y le Pere abitēia pro me y che iō sun dlungia d'ēi.

Da se recordé chēsc n'él nia dagnora saurí,

an é tres indō al prigo da tomé tla desfidēnza y tla tēma.

Gejù conēsc nostes deblēzes y nes mēna porchēl so Spirit Sant.

	SAN MARTIN	LUNGIARÜ	Parores Confidëntes
26.05.19 6ª DOMÈNIA DE PASCA - C	7.45 Corona 8.15 Gran Mëssa dla Comunité 19.30 Corona de ma sò Ju	Festa dla Pröma Comuniun 9.30 Ingres te dlijia Mëssa dla comunité cun Pröma Comuniun 15.00 Corona tla capela de S. Ujöp Fr.	Laota, dan le Conzil (1962-65), canche la mëssa gnô ciamó dita por latin y le prou stò sò da d'alté ot sòpert, ne savô la jënt gonot nia – y cis nia i mituns – ci che le zelebrant dijô y fajô y ci ch'al sozedô tla mëssa. An podô vigni tant odëi les umes, che se tolô do i pici mituns a dlijia, sciöch'ares se cufâ jô y ti dijô tla orëdla che dala consacraziun diventâ la ostia y le vin le corp y le sanch de Gejú y che dala comuniun gnô Gejú a sté tl cör dla jënt. Al ê parores de fede, che la uma, o ince datrai le pere, ti dijô y ti scincâ a sü pici y che i daidâ da conësce y da incunté Gejú.
27.05.19 Lönesc <i>Augustin, Bruno</i>	19.30 Corona de ma a Picolin	20.00 Corona tla capela de S. Ujöp	
28.05.19 Dedolönesc <i>Wilhelm, Iustus</i>	19.30 Mëssa + + Zingerle, Ghejenara + Pepi Agreiter + Hermine Gasser Videsott		
29.05.19 Dedemesaledema <i>Sisin, Sciander, Martire</i>	19.30 Corona de ma a Bioch 20.00 Corona de ma sò Frëina	7.30 Mëssa dedô Corona de ma + Heinrich Frenademetz + + Milia y Nisio Clara	
30.05.19 Dis dles Crusc Jöbia <i>Otto Neururer, Nando</i>	18.20 Cun crusc a Bioch 19.30 Mëssa a Bioch + Paul Vantsch, + Erika Psailer + Giovanni Pescoller	18.45 Cun crusc a Bioch 19.30 Mëssa a Bioch + siur Heinrich Videsott	
31.05.19 Vëndres <i>Petronila, Canzio</i> Confesciuns sò Oies dales 16.30 – 18.00 cun siur Franz Sottara	19.00 Cun crusc a Picolin 19.30 Mëssa a Picolin en onur de Sant Antone + + Penazzi da Picolin	6.00 Cun crusc a San Martin 7.30 Mëssa a San Martin en onur de Sant Ujöp Freinademetz	
01.06.19 Sabeda <i>Iustin, Scimun</i>	6.00 Cun crusc a La Pli 9.00 Mëssa a La Pli 15.30 Mëssa tla Ciasa de Palsa 18.30 Mëssa prefestia fam. Leo Crepaz, + + Tolpeit, Ju dl ann + Paul Vantsch	6.00 Cun crusc a La Pli da San Martin 9.00 Mëssa a La Pli 20.00 Mëssa prefestia de rengraz. por fam. Sepl Pezzei, Camura + Vittoria Clara	
02.06.19 ASCENSIUN DL SIGNUR-C FESTA DL'ASSÈNZA	9.00 Corona 9.30 Gran Mëssa dla Comunité <u>cun les families</u>	7.55 Corona 8.15 Mëssa dla Comunité 15.00 Corona tla capela de S. Ujöp Fr.	
I sun Dijia de Dî, che é sön tru. I orun tigní la usanza da jí cun crusc, olach'i se surandun al Signur che vá sò a Cil cun döt ci che se stá a cör. – <i>le Ploan</i> La Uniun dles porones vëdues y sores inviëia al peregrinaje a Karthaus tl santuar de “Unser Frau” ite en Schnals en jöbia, ai 06 de jügn, dales 11.00 mëssa cun siur degan, marëna tl hotel Adlerness; da gní a ciasa palsunse dal Issinger Weiher. Iade y marëna costa 50 euro. Anunziesse cina en sabeda, 01 de jügn, al nr. 0474 590 069. La coriera passa a San Martin dales 7.45. Incuntada de oraziun sò Oies en domènia, ai 2 de jügn, dales 15.00 - 18.00: Corona, esposiziun eucaristica, mëssa, testimonianza de Giorgio y Cristina Epicoco da Perugia sön la vita matrimoniala, conclujiun y afidamënt a Santa Maria.			

I n'orun nia se tigní por nos instësc ci che nes implësc le cör, che nes dá forza, consolaziun y ligrëza, mo i orun se daurí y le dé inant cun confidënza y amur, y tó datrai nüsc pici por la man y ti cunté cun confidënza ince val' de Gejú.